

/ Nabarmenezkoak

- > 2017ko aurrekontuaren % 94a gauzatu dago (2. or.)
- > Jone Uriak Uribe Kostako Bertsolari Txapelketa irabazi du (3. or.)
- > Getxok agur esan dio Josemi Ibarretxeri, errenazentista berria (3. or.)

“Punta Begoña: 100 urte, 100 ekintza” jardueren programa aurkeztu dute (Pág.4)



Dantza plazan. Larunbata, hilak 7, 20:00etan, Algortako San Nikolas plazan, euskal dantzak Agurra, Berantzagi, Itxartu, Itxas Argia eta Zasi Eskola bertoko taldeen eskutik.

Klake ikuskizuna. Larunbata, hilak 14, 19:30ean, Areetako Andrés Isasi Musika Eskolan, “Sincopados” emanaldia. Sarrera: 5€ (Eskolako ikasleentzat 3€).

A-
GENDA

HAP0a berriz aztertzean udal idazketa eta aholkularitza lanak esleitu dira

Gobernu Batzordeak, Getxoko Hiri Antolaketako Plan Orokorra-HAPO Berrikusteko Udal Bulegoa zabaldu ondoren, 822.800 euroan (BEZ barne) esleitu du Getxoko etorkizuneko planeamendua berrikusteko udal idazketa eta aholkularitza lanak egiteko kontratua. Gaur arte, aurrerapenaren Aurretiko Azterketak, Aurre-aurrerapena eta Lanketa egin dira. Eginkizun hori, herritarrek Planaren aurrerapenaren edukian eta plana egiteko irizpideak eta helburuak ezartzean parte hartzeko fasetik abiatuko da, horren guztiaren ondotik akordioa onartzeko; akordio hori idazketa-talde berriak Plana gauzatu dituen irizpide eta helburuekin onartuko da. Kontratua betetzeko epea lau urtekoa izango da, baina dagoeneko egindako lan zehatza aintzat hartuta, Gobernu Taldeak epeak murriztea espero du.

HAPO udal-plangintzaren tresna nagusia da; udalerriko hirigintzako egitura-antolamendua ezartzen du, sailkapenaren eta kalifikazioaren bitartez, lurzoruen erabilera eta haien garapenerako eta egikaritzarako programa finkatuz. HAPOren idazketa bideratu duten helburuak dira Getxoren ezaugarri bereizgarriena den bizitza-kalitatearengan eragin positiboa duten alde guztiak sendotzea eta indartzea: hazkunde orekatua, egungo hiriarren balorazioa, ingurumenarekiko errespetua eta hobekuntza eta ekipamenduen eskaintza handitzea. Udalak, era honetan, urrats berria ematen du HAPO berriz aztertzeo prozesuan, jakinik unea dela Getxoren etorkizuneko aurreikuspenak berriz planteatzeko, irizpideak berraztertzeo



eta udalerriarren gero urbanistikoa planifikatzeko. “Prozesuaren azken helburua, gure udalerrientzat estrategikoa dena, baliabide bat edukitzea da: biztanle kopurua gutxitzeko joera aldatu eta ekonomia-jarduerarako espazioak sortzea enplegua sustatzeko, mugikortasuna hobetuz eta eraikitako hiria gure auzotarren beharretara egokitzuz. Plan berriak, gure gazteak herrian bizitzeko jarrai dezaten ahalbidetu behar du, enplegu aukera gehiago eskainita. Horretarako, prozesuaren fase berri hauetan hiritarren konpromisoa eta parte-hartzea izateko apustuari eutsiko diogu. Plan honetan jokoan dugu hurrengo belaunaldian gure udalerrientzat nahi dugunaren gaineko orientazioa”, aipatu du Joseba Arregi Hirigintza zinegotziak.

Sei fase

Egun, amaituta daude idazketa lanak

Planaren Aurrerapenaren faseraino. Orain esleitu den kontratuaren pleguan sei fase ezartzen dira

1. Herritarren parte-hartzea Aurrerapenean eta HAPO-rentzako irizpideak ezartzea: Aurrerapenaren berrikuste kritikoa, jendaurreko aurkezpena, argibide-bilerak kolektiboak, jarraipena...

2. HAPOaren prestatzea: HAPOaren hasierako onarpenaren agiria idaztea, baita Ingurumen-Jasangarritasun txostenarena ere.

3. eta 4. Administrazio-izapidetzea eta HAPOren edukiaren inguruko herritarren parte-hartzea: onarpen, baimen eta lizentzien baliogabetzeari buruzko aholkularitza; jendaurreko aurkezpena, argibide-bilerak, jarraipena, arrazoibideei emandako erantzunaren inguruko txostenaren idazketa...

5. Plan Orokorren behin behineko onarpena: behin behineko onarpenaren agiriaren idazketa, udalaren onarpen eta izapidetzearen jarraipena eta alegazioen erantzuna.

6. Plan Orokorren behin betiko onarpena: ingurumen-txostena, izan litezkeen aldaketuen garrantziari buruzko txostena, HAPOaren testu berrituaren idazketa, jarraipena...

HAPOaren egikaritzeko epea, bideragarritasun ekonomiko eta finantzarioari buruzko ikerketan aurreikusten dena, zortzi urtekoa izango da, berrikuspeneren behin betiko onarpenaren egunetik aurrera.

Planaren bulegoa

HAPOren berrikuspenera prestatzeko faseen eduki eta epeak finkatzeko asmoz, eta egin beharreko lanaren tamaina eta zailtasunagatik, Bulego Tekniko bat sortzeko proposamena egin da, udal egoitzetan kokatuko dena, eta udal zerbitzu teknikoekin koordinatuko dena. Bulegoaren bitartez, aurrez aurreko laguntza eskainiko du talde tekniko batek; informazioa bildu, kontrastatu eta emango du. Antolatzeo modu horri esker, ezarritako epeak beteko direla bermatuko da, egin daitezkeen kontsultak konponduko dira, baita premiazkoak diren arazoak ere, eta arreta pertsonalizatua emango da. Bulegoak, maila desberdineko administrazioekin (erkidegokoa eta tokikoa) koordinatu beharreko eta lurralde ikuspuntua duten gaietan parte hartu ahal izango du eta Udalari aholkularitza eskaini.

391.737€ Garapeneko Lankidetzako proiektutarako

Datorren apirilaren 23ra arte zabalik egongo da Garapeneko Lankidetzarako proiektutarako diru-laguntzak eskatzeko epea. Aurten Udalak 391.737€ banatuko ditu ohiko hiru diru-laguntzen ildoan artean. Lehenengoak 320.000€ izango ditu, txirotutako herrialdeetan aurrera eramaten ari diren proiektuak finantzatzeko. Horien bidez tokian tokiko gaitasuna eraldatzeko aldaketak bultzatu nahi dira.

Bigarren ildoan, 56.737€ herritar getxotarrei zuzendutako Sentsibilizazio eta Garapeneko Hezkuntzako proiektuen artean banatuko ditu Udalak. Hirugarren ildoak 12.000€ aurreikusten ditu krisi egoerei aurre egiteko.

Informazio gehiago, eskaerak eta epeak GGKEentzat, erlijio-kongregazioentzat, fundazioentzat...: www.getxo.eus/eu/cooperacion-al-desarrollo/subvenciones.





APIRILAK 5 OSTEGUNA

XXXV. Haur Zinema Jardunaldiak. Areetako Andrés Isasi Musika Eskolan, 17:00etan, "Trio: la búsqueda del santuario sagrado". Gaztelaniaz. 6 urtetik gorakoentzat. Sarrera: 2,10€.

Getxo Zuzenean! 20:00etan, Gringo (rocka), Areetako El Comercio tabernan.

APIRILAK 6 OSTIRALA

Erakusketa. Algortako Kultur Etxean, Sergio Monederoren "Boxealariak" (argazkiak) izeneko erakusketa. Hilaren 21era arte.

Erakusketa. Algortako Torre Aretoan, Eztizen La Cruzen "Acordos de las manos, cómo descansas sin apretar" (pinturak eta marrazkiak) izeneko erakusketa. Hilaren 29ra arte.

XXXV. Haur Zinema Jardunaldiak. Areetako Andrés Isasi Musika Eskolan, 17:00etan, "El reino de las ranas: misión en el ártico". Gaztelaniaz. Adin guztientzat. Sarrera: 2,10€.

Zinema Paradiso. Areetako Andrés Isasi Musika Eskolan, 21:00etan, azpitoludun jatorrizko bertsoan, "Maravilloso Boccaccio" filmaren proiektzioa eta foruma. Hizk: italiara. Zuzendariak: Paolo & Vittorio Taviani. 12 urtetik gorakoentzat. Sarrera: 2,90€.

APIRILAK 7 LARUNBATA

Dantza plazan. Algortako San Nikolas plazan, 20:00etan, euskal dantza Agurra, Berantzagi, Itxartu, Itxas Argia eta Zasi Eskola bertoko taldeen eskutik. Antolatzailea: Itxartu Taldea.

APIRILAK 8 IGANDEA

Haur zinea. Areetako Andrés Isasi Musika Eskolan, 17:00etan, "Maya erlea. Ezti-jokoak". Euskaraz. Adin guztientzat. Sarrera: 2,10€.

APIRILAK 9 ASTELEHENA

Zine tailerra. 18:30ean, Algortako Kultur Etxean, Villamonten, Tom McCartyren "The visitor" filmaren proiektzioa. Antolatzailea: EnClave Getxo.

Hitzaldia. "El futuro energético en nuestras manos: Casos de éxito: de lo global a lo local". Hizlaria: Eduardo Urturi (industria ingeniaria). 19:00etan Gobelaurre Boluntariotza zentroan (Romo) Antolatzailea: Sinope Kultur Elkarte <https://sinope-blog.wordpress.com/>

APIRILAK 10 ASTEARTEA

Informazio solasaldia "Oporrak Bakean" ekimenari buruz Villamonteko Kultur aretoan, 19:30ean, AT-FAL elkarteak eta Udalak antolatuta.

APIRILAK 11 ASTEAZKENA

Ikuskin musikala. "Mozart y el clarinete", Impromptu taldearekin. 19:00etan Areetako Andrés Isasi Musika Eskolako areto nagusian. Sarrera: 5€ (Eskolako ikasleentzat 3€)

APIRILAK 12 OSTEGUNA

Erakusketa. Algortako Kultur Etxean, "Colección de caprichos" (pinturak). Egile: José Ramón de la Fuente Henry. Maiatzaren 9ra arte. **Getxo Zuzenean!** 20:00etan, Perfect World-en kontzertua (rock) Algortako The Piper's Irish Pub tabernan.

Gizatiar. Romo-Areetako giza- eta kultura-elkartea. Zine tailerra. Tim Burtonen "Big eyes" filmaren proiektzioa. 17:00etan, Romoko San Jose parrokiako lokaletan.

Mugabarik. Gizakien ahots-erregistroei buruzko triptikoa. 1. hitzaldia: "Voces femeninas I". Hizlari: José Quisilant Montero (pianista). 19:30ean, Algortako Kultur Etxean. Antolatzailea: Mugabarik-Garapen pertsonal eta komunitatearen Elkarte.

"Nahi dudalako". Solasaldia La Basu rap-egilearen eskutik, Santísima Trinidad ikastetxean, DBHko 3. eta 4. mailetako ikasleentzat, Udalak antolatuta.

APIRILAK 13 OSTIRALA

Kontularien Kluba. Algortako Kultur Etxean, 19:00etan, ipuin-kontalaria izan edo entzun nahi duten nagusiez osatutako klubaren saioa. "Europa" + norberak hautatzeko gaia. Sarrera dohainik, edukiera bete arte.

Zinema Paradiso. Areetako Andrés Isasi Musika Eskolan, 21:00etan, azpitoludun jatorrizko bertsoan, "Moonlight" filmaren proiektzioa eta foruma. Hizk: italiara. Zuzendaria: Barry Jenkins. 16 urtetik gorakoentzat. Sarrera: 2,90€.

Odol-ateratzeak. Areetako Geltoikia plazan, goiz eta arratsalde.

APIRILAK 14 LARUNBATA

Klake ikuskizuna. "Sincopados" emanaldia, 19:30ean Areetako Andrés Isasi Musika Eskolan. Sarrera: 5€ (Eskolako ikasleentzat 3€).

APIRILAK 15 IGANDEA

Haur zinea. Areetako Andrés Isasi Musika Eskolan, 17:00etan, "Boonie Bears y el gran secreto". Gaztelaniaz. Adin guztientzat. Sarrera: 2,10€.

Mendi-irteera. Porra de la Colina (1.441m.). Cuera mendilerroa. Antolatzailea: Etorbizuna Mendi Taldea. Informazioa: etorkizunamt@gmail.com eta tel.: 606 637 128 (Whatsapp).

na (Burgos), Bilbotik ordubetera. Tel.: 94 404 96 05.

- **Salgai** Peugeot 205, 1.1, bost atekoa, 65.000Km-rekin, oso ondo dago. Tel.: 637 90 54 06.

- **Lan bila nabil** garbiketarako, adinekoak, haurrak... zaintzeko. Eskarmentu eta erreferentziak. Tel.: 634 83 31 24.



- **Errentan ematen dut** etxebizitza, beheko solairua, irisgarria, eta solarium-orubearrekin. Berbera-

Norberaren iragarkiak direnez gero, aldizkari hau ez da horien edukia egiazkotatzen erantzule izango.

Tratu txarren biktimak artatzeko Eusko Jularitzaren telefono zerbitzua: 900 840 111

Monika Rodrigo, Iñigo Olondo. Urgull kalea z.g., 4. Tel.:94 466 03 20. 48991 Getxo. e-posta: getxoberri@getxo.eus Arte arduradunak: Bassai Comunicación Estratégica, S.L. Inprimaketa: Editorial Iparraquirre S.A. Banaketa: Lantegi Batuak Fundazioaren egunOn zerbitzua Gordailu legala: BI-388-87

Getxoberri eGetxoko Udaleko Komunikazio Sailak kaleratutako argitalpena da eta horretan udalari eta tokiko bizi-tzari lotutako albisteak eta informazioak agertzen dira astero. Komunikazioko zinegotzia: Amaia Agirre Zuzendaria: Javier García. Erredaktoreburua: Itziar Aguayo. Erredakzioa: Nekane Ardanza,

2017ko aurrekontuaren % 94a gauzatuta dago

Udal gobernuak, azkeneko osoko bilkuran, 2017ko aurrekontuaren likidazioaren berri eman zuen. Urte horretan aurrekontu bateratu arruntaren % 94a gauzatu da (udal gerakinaren kontura finantzatutako inbertsioak salbu). Kopuru osoetan, Udalaren, haren lau erakunde autonomoen (Getxo Kirolak, Kultur Etxea, Udal Egoitza eta Musika Eskola) eta "Puerto Deportivo El Abra" Sozietatearen likidazio bateratuak % 103,33ko gauzapena dauka gastuetan eta % 100,66koa diru-sarreretan. Gastua 97,38 milioi eurorotara iritsi da. Diru horretatik % 11,67 inbertsioetara bideratu da, eta % 3,14 maileguak amortizatzeraz, ia-ia batere kosturik gabe interesetan (urte amaieran, maileguren saldoa 15,398 milioi eurokoa zen, hau da, 2016an baino % 16,59 gutxiago). Udal gobernuarentzat, "2017ak ekonomikoki kudeaketa orekatu eta jasangarriko kopuruak eman ditu berriro ere. Izan ere, diru-sarrera errepikariek % 114,35ean estaltzen dituzte udalaren gastu arruntak". Urte naturalaz haratago doazen denboraldiatarako aurrekusi diren inbertsioei dagokienez, 44,23 milioi euro daude erabilgarri eta 30,41 milioi euro baimendu dira.

2017ko ekitaldiko destinoen deskribapena hau da, kontzeptutan sailkatuta: % 36,83, langileria-gastuak; % 42,31, kanpo zerbitzuen kontratazioa; % 5,92, herritarrentzako diru-laguntzak (banakoak eta familienak; Gizarte Zerbitzuei lotutakoak, gazteen emantzipaziorako, eskolako materiala erostekoak, ...), dirua irabazteko asmorik gabeko entitateentzako (elkartek, kirol klubak...) eta ekonomiaren sustapenerako udalerrian; % 11,67a inbertsioetara bideratu da, eta % 3,26a zorra kitatzera eta beste finantza-gastu batzuk ordaintzera.

Eztabaida

Puntu honi buruzko eztabaidan, PP, Guk, EH-Bildu eta Ciudadanos taldeek Gobernu Taldearen



Udalbatzako beste gai batzuk

kudeaketa gaitzetsi zuten, eta gaizki kudeatzea eta gutxi gastatzea leporatu zioten. PPK kritikatu zuen "2017ko likidaziotik 45 milioi sobratu direla gastatu gabe eta likidatutakoaren % 25 bakarrik gastatu dela inbertsioetan. "Katastrazoa" gauzatu da eta arazo larria daukagu komertzioarekin; hura gobernuarekin tasen eta zergen inguruan egindako akordioari esker bultzatuko dugu". Talde honen iritzian, gobernuak baliabide handiak dauzka, baina ez daki horiek gastatzen. Kasu honetan, esan zuen "Gizarte Zerbitzuetan % 82a baino ez duela gastatu, % 18a etxebizitzan...". Guk, bestalde, "udal gobernuaren ohiko utzikeria" salatu zuen. Adierazi zuen "kredituen bi heren baino ez direla gastatu, eta beste herena ez dela erabili". "Gobernua ez da kapaz izan osoko bilkurari 2017ko aurrekontuak aurkezteko eta, oraingoz, 2018koak ere ez. Horrela, alderdi bakoitzak nahi duen herri-ereduari buruzko eztabaida publikoa galarazi zaie herritarrei". Azken argudio hori EH-Bildu eta Ciudadanos ere konpartitzen zuten. Lehenak uste zuen, gainera, "gazteek herritik alde egiten jarraitzen dutela, ez dagoelako etxebizitza-planik, komertzioa hiltorian dagoela, eta adineko pertsonen eskaerei ez zaie la kasu egiten, adibidez Nagusien Etxea Romo Kultur Etxera eramatea", besteak beste. Bigarrenak, bestalde, gobernuari eskatu zion "herritarrei, enpresa txiki eta ertainei, eta autonomoei presio fiskala murrizteko".

EAJren eta PSE-EEren aldeko botoekin, PPren abstentzioarekin, eta Guk, EH-Bildu eta Ciudadanosen aurkako botoekin, ontzat eman zen Herritarren Segurtasuneko, beharginen lantaldeetako, Informatikako eta Idazkaritza Nagusiko 50 lanposturen osagarrien aldaketa, erakundearen interesarengatik. Oposizioak kritikatu zuen postu horiek bakarrik aldatzen direla, udaleko langile guztien lanpostuen balorazio orokorra egin gabe. Balorazio hori, udal gobernuaren arabera, negoziatzen ari da baina ez dauka zerikusirik 50 postu horien funtzioen aldaketarekin, herritarrei ematen zaien zerbitzua hobetzeko asmoz egina (dedikazioa handiagoa denez). Gainera, zerbitzuak eta jarduerak jasotzeko prezio publikoak arautzen dituen ordenantza aldatu zen, PP-rekin prezio horiek eguneratzeko lortu den akordioari esker. Bestalde, premiazko izaerarekin, Bozera maileen Batzarrean onartutako adierazpen instituzionala sartu zen, Arraza Bazterketaren Aurkako Nazioarteko Eguna zela-eta (adierazpen osoa hemen: <https://goo.gl/FNgR4o>); eta beste adierazpen instituzional baten berri eman zen osoko bilkuraren azken saioan, hain zuzen ere, martxoaren 8a, Emakumeen Nazioarteko Eguna, dela-eta egin dako, duela aste batzuk jakitera eman zena.

Mozioko

Mozioen kapituluari, GUK alderdiak aurkeztutako mozioko bano ez zen onetsi. Horren bidez, zera eskatu zaio Udaleko Kontratazio Arloari: Zirkular-Jarraitze bat idatz dezala udalaren eta bere erakunde autonomoen kontratazio-prozeduretan izaera sozialeko adjudikazio/egikaritze irizpideak finkatzeko, baita prozedura horietan irizpideok ezartzeko ere. Osoko bilkuraren amaieran, publikoan dauden pertsonen galdeskeen txandan, udaleko administrari laguntzaileen ordezkari batek lan arloko adierazpen bat irakurri zuen. Adierazpen horretan, udaleko lanpostuen balorazioa aldarrikatzen zuten udaleko administrari laguntzaileek.



Bisita Juan Antonio Azcuneri bere 100. urtebetetzean

Juan Antonio Azcune Vidaurrazagak agintarien bisita jaso zuen pasa den hilean, 100 urte bete zituela eta. Azcune Algortan jaio zen, eta bertan bizi izan da ia beti, Venezuelan eman zituen urte gutxi batzuk kenduta. Hiru semeren eta alaba baten aita da, eta zazpi iloba ere ditu gizonak. Osasun egoera onarekin, auzokide getxotarrari, ohi bezala, Aixerroren oroigarria eta lore sorta bat eman zizkioten agintariek.

Getxok agur esan dio Josemi Ibarretxeri, errenazentista berria

Josemi Ibarretxe García, zinemagile getxotarren familia ezaguneko artista polifazetikoena, 60 urte zituela zendu da. Marrazkigile, margolari, eskultore, publizitate-sortzaile, zuzendari eta gidoigile, marinela ere izan zen –hiru urtez merkataritza-nabigazioan ibili zen-. Gizaseme alaia, adoretua eta bihozbera zen, bere senide eta adiskideek diotenez, eta hamar anai-arreben artean, akaso, geldiezina zen; horien bizitzako zati handi bat, Areeta al-

dean igaro zen. Josemik gidoi ugari idatzi zituen, film labur, luzemetrai eta telebistako programentzat, baita beste kontakizun eta eleberri asko ere. Ibarretxetarren zinematografia-izenburu ospetsuenen artean daude, esate baterako, *Sólo se muere dos veces*, *Sabotage* eta *Un mundo casi perfecto* luzemetraiak, baita *Las Memorias de Karbo Vantas* telebistako saioa. Bere aldeko hileta elizkizuna datorren astelehenean, apirilak 9, egingo da Bilbon.

“Mozart y el clarinete”, Impromptu bikotearekin

Impromptu bikoteak, Víctor Jiménezek –bibolina- eta José Manuel Cachok –pianoa- osatuta, *Mozart y el clarinete* ikuskizuna eskainiko du datorren asteazkenean, apirilak 11, 19:30ean, Areetako Andrés Isasi Musika Eskolan, oraingo honetan Oscar Rigueraren (klarinete) kolaborazioarekin.

Musikariek gogora ekarri dutenez “Mozart musikariak izugarriko dohainak zituen musikarako, zalantzarik gabe, baina egia da ere jenio honen ahalmena bere maisuaren laguntzari esker garatu zela oso-osorik. Mozarten bizitza osoan, musika sortzeko gaitasuna lantzean, ezinbestekoa izan zen Wolfgang maisu miresgarriaren lana, bere ardura eta esfortzua. Mozart oso bihozbera zen bere bizipen eta jokabidean; gainera, bazuen jenioek izan ohi

duten «zerbait» berezi hori, hain zuzen, emozio sakonak eragiteko sentsibilitate adierazina”.

Emanaldian Mozart-en 16 lan eta Händel-en lan bat eskainiko dituzte. Sarreraren prezioa 5€koa da (eskolako ikasleentzat 3€).



Ibai Gorordo algortarra, Japonian dago ikerketa beka batekin

Ibai Gorordo Fernández 26 urteko ingeniari industrialari Japonian dago ikerketa proiektu bat gauzatzeko. Kyushu Institutu Teknologikoan egingo du ikerketa, herrialde horretako gobernuak emandako bekarri esker. Bi urtez garatuko du bere ikerketa unibertsitate horretan, sentsoredun oinetako barne-zolak asmatzeko; pertsona nagusien ibilera aztertzekeo datuak bilduko dituzte sentsore horiek. Hain zuzen ere, ibiltzen laguntzeko gailuak izango ditu aztergai proiektuan, makila eta taka-takak, besteak beste. Halaber, Japonian bertan geratuko da beste urte batez bere ikasketei buruzko doktoretza egiteko.



Agur Andra Mariko atezainari

Patxo Piñeiro, 40 urtez Andra Mari eskolako atezaina izan denari omenaldi txiki bat eskaini zioten pasa den hilean, martxoan. Eskola publikoa egin zenetik bertan izan da Piñeiro eta horregatik inork baino hobeto ezagutzen ditu eskolako zirriritu eta matxura guztien jatorria. “Bere eskuekin eskola hornitu egin du, liburutegiak, irakasleon jantokia, bilera gelak, eskolako hainbat altzari... borondate onenarekin berak egin ditu, baita eskolako konponketa txiki guztiak ere. Arutz bikaina eta pertsona hobea. Eskerrak eman nahi dizkiogu urte guzti hauetan bere presentziak eta bere kantuekin egunak alaitu dizkigulako eskolan zein jai guztietan eta baita umeekin izan duen harreman maitagarriatik ere. Horregatik guztiagatik, hasten ari zaren aro berrian hoberena opatzen dizugu”, adierazi dute Andra Maritik.

Jone Uriak Uribe Kostako Bertsolari Txapelketa irabazi du

Jone Uria algortarrak irabazi berri du 2018ko Uribe Kostako Bertsolari Txapelketa. Guztira 25 bertsolarik hartu dute parte txapelketan eta finala Nahikari Ayo getxotarrak gidatu zuen, Sopelan martxoaren 24an. Buruz burukora Imanol Uria eta Jone Uria pasa ziren, eta txapela Jonek jantzi zuen, 673,50 puntu eskuratuta. Ondoren horrela sailkatu ziren bertsolariak: Imanol Uria, Arrate Illaro, Peru Vidal, Unai Mendiburu eta Paule Loizaga.



Hiru erakusketa Algortako toki desberdinetan

Algortako Dendak elkarteko 31 kormertziok ikusgai dituzte Sarekide, Getxoko boluntariotza erakundearen elkarrekin antolatutako Argazki Sozialaren Lehiaketara aurkeztutako argazkiak eta udalerriko boluntariotzako hainbat elkartetako irudi batzuk. Elkarlan

horren bitartez establezimenduek agerian uzten dituzte udalerriko boluntariotzarekin eta jarduera sozialarekin zerikusia duten egoera batzuk. Argazki horiek apirilaren 15era arte ikusi ahal izango dira.

Bestalde, apirilaren 6tik 29ra Algortako Torrean aretoan Eztizen La Cruzen *Acordaos de las manos, cómo descansar sin apretar* izenburuko erakusketa bisitatu ahal izango da. Pinturak eta marrazkiak dira eta horietan “paisaia bat atzematen da, isolatuenetatik eguzkia ezkatzen den irudietara. Gehienetan desagertu egiten da, figuraziorik gabeko toki bihurtzeko edo lore batzuetarako lekua edo naturaren pasarteak”.

Gainera, apirilaren 6tik 21era, Algortako Kultur Aretoan, *Boxealariak-Boxeadores* izeneko erakusketa egongo da erakusgai, Sergio Monedero, *Suhigarra*ren eskutik. Proiektua bi urte luzetan zehar egin du artistak eta horietan 100 boxealari baino gehiagoren argazkiak atera ditu. “Lana kirolari horienganako benetako hurbiltzea izan da, kirola baino, filosofia praktikatzen dutenenagana. Indarra, ausardia, sakrifizioa, baina aldi berean, neurritasuna eta norberaren kontrola aldarrikatzen dituzten ezaugarriak dira”, azaldu du *Suhigarra*ren.

VI. Oinez Bizi Ibilaldi Osasungarria

Igande honetan, apirilak 8, Itxartu Taldeak, Eusko Jaurlaritzak eta Getxo Kirolakek VI. Getxoko Oinez Bizi Ibilaldi Osasungarria antolatuko dute. 8 kilometroko ibilbidea da, oinez egiteko. 10:00etan hasiko da, Algortako Geltokia plazan, eta 11:40an amaituko da, Areetako Bizkaia Zubia plazan. Ibilbide osoa egin nahi ez dutenek martxarekin bat egin dezakete Eragako hondartzako Turismo Bulegoan, 11:00etan; modu horretan, soilik azken 3 kilometroak egingo dituzte. Edonola ere, ibilbide osoan nahiz aukerakoan parte hartzeko inskripzioa doakoa da, eta ez da beharrezkoa aldeztu aurretik izena ematea. Bestalde, ibilbidea amaitutakoan herri kirolen erakustaldi bat egingo dute Bizkaia Zubia plazako probalekuan. Oinez Bizi Ibilaldi Osasungarriak ekimenak, jarduera fisikoa egitearen garrantziak ohartaraztea du helburu eta izaera ludikoa dauka.

2018an Echevarrietak eta Bastidak bururatutako egitasmoaren mendeurrena betetzen da **“Punta Begoña: 100 urte, 100 ekintza” jardueren programa aurkeztu dute**

2018. urtean ospatuko den Punta Begoña Galerien mendeurrena dela eta, Getxoko Udalak eta Euskal Herriko Unibertsitateak *Punta Begoña, 100 urte, 100 ekintza* jardueren programa aurkeztu dute. Datozen hilabeteetan zaharberrietan begi bistakoak diren ikerketak erakutsiko dira, eta toki kultur edukien sorgailu bilakatu duen egitasmoaren gizarteratzearekin jarraituko da. Urte honetarako aurreikusitako ekintzen artean dagoeneko egin daitezkeen galerien bisitak (gidatuak eta auto-gidatuak) daude; mikro-antzerkia, ipuin kontaketa, eta aurrerantzean iragarriko diren erakustaldiak.

Punta Begoña Galerien egitasmoa, 1918 eta 1922 urte bitartean Horacio Echevarrietak eta Ricardo Bastidak sortutakoa, errealitate bihurtzen hasi da mende bat beranduago. *“Udaleko hainbat sail eta departamentuen parte-hartzeari esker (Turismo, Hirigintza, Ekonomia, Komunikazioa eta Sistemak) eta EHU-UPVko hainbat lantaldeen lan koordinatuari esker eta oinarri tekniko jarraituta, garapenean erabateko gardenetasun eta gizarte, kultura eta sormen parte-hartzeari esker, eraikuntza hau goi mailako “Art Galery” kultur gune bilakatuko dugu. Berreskuratze interbentzioak begi bistakoak izango dira datozen hilabeteetan Punta Begoña eta Getxoko itsas-bazterreko edertasuna nabarmenduz eta bertakoen eta itsasoz, Abrako atearen bidez guregana datozenen sarbidea indartuz”* azpimarratu du Imanol Landa alkateak.

Agustín Azkaratek, EHUko *“Kultur Paisaiak eta Ondarea”* UNESCO Katedrako zuzendariak, bere aldetik, zera gogorarazi du: *“urteetan eraikuntzaren eta honen kokapenaren ezagupenean egin dugu aurrera. Ikerketa honek multzoaren deskribapenean, arazoan jatorria eta protokoloak zehazteko eta egin beharreko ekintzen diagnosi zehatz bat egiten lagundu digu, bai eta hauen ordena ere”*.

Hau guztiaz gain, sendotze prozesu sakonago bat bermatuko duten premiazko interbentzioak formalizatu dira: areto nagusiaren azpiko gunera



sarbidea; areto nagusiaren iragazgaiztea; komunikazio dorretik hego-mendebaldeko galeriarako sarbide segurua; etxe-aurreko eta terrazetako landaretzaren garbiketa eta jatorrian galeriaren eraikuntzan zegoenaren berreskurapena; hondakinak jaso eta material zeramikoen berreskurapena, eta hego-mendebaldeko galeriako sabai aizunaren desmuntua eta finkatzea toki honetatik zirkulatze segurua egin ahal izateko obraren lizitazioa betetzear dagoela.

Berrikuntza: Bisita autogidatuak

Punta Begoña Galerien geldi ezinezko gizarteratze prozesu honetan (iaz 5.000 pertsona bisitatu zituztenak), aurtan, eta berrikuntza moduan,

orain arteko bisita gidatuei aukera berri bat gehituko zaie: bisita “autogidatuak”. Punta-puntako teknologia batean oinarritutako sistema bati esker, bisitariak posible izango dute informazio guztia eskura izatea beraien telefono mugikorretan. Sistema honek aurreikusitako bost ibilbideen artean aukeratzeko bidea emango die bisitariari (proiektua, galeriak, paisaia, ikerketa eta interbentzioak). Ibilbide hauetan hainbat panelek jakin beharreko informazioa eskainiko die beste aplikaziorik instalatu beharrik gabe eta modu oso seguruan. Sistema hau galerien hormetatik haratago ere hedatuko da (Arriluze ibilbidean zehar) bisitariari eraikuntzako informazioa uneoro eskura izatea eskainiz.

Informazio guztia euskaraz, gaztelaniaz, ingelesez, frantsesez eta audio formatuan, informazio unibertsal bat bermatuz.

Modalitate honekin bisitariak libreki bertaratu ahal izango dira astelehen, asteazken eta ostegunetan 11:30tik 14:30era eta 17:00etatik 20:00etara. Ostirala, larunbata eta igandeetan berriz 11:30tik 14:00era eta 17:00etatik 21:00etara. Asteartean itxita izango da.

Beste alde batetik, bisita gidatuak gehitu egingo dira, profesionalen ahotik jasotako azalpen pertsonalizatu batek balore erantsia duelako. Informazio gehiago eta erreserbak, www.getxo.eus/turismo eta <http://puntabego-nagetxo.eus>



Arene eta Areneondo lotzeko igogailua

Igogailu panoramiko batek irisgarritasuna hobetuko du Arene eta Areneondo kaleen artean. Obra hau duela gutxi esleitu da eta bere aurrekontua 347.000€ ingurukoa da (BEZ barne). Aurreikusita dago lanak berehala hasiko direla eta horiek amaitzeko epea bost hilabetekoa izango da. Igogailu bertikal berriak 16 lagunentzako lekua du barruan, 8,7 metro igoko ditu eta Alango kalearekin lotzen duten hiru igogailu publikoen behealdean kokatuko da. Hiru igogailu horiek 2011az geroztik ari dira zerbitzua ematen. Eta, hain zuzen ere, Areneondo-Areneko ekipamendu berriak haien lerrokadura, estetika eta argiztapena gordeko ditu, baita goiko geralekura sartzeko pasagunearen diseinu eta tipologia ere. Lau instalazio mekaniko horiekin, guztira, 37 bat metroko tartea igaroko da, Areneondo eta Alango bitartean. Igogailu berriaren ordutegia gainontzeko igogailuen berbera izango da, hau da, 05:45etik 24:00etara ibiliko da.



Biribilgunea Euskal Herria-Los Fuerosen

Udal Gobernu Taldeak lanak esleitu ditu Euskal Herria eta Los Fueros kaleen arteko bidea berrantolatatzeko, Uribe Kostako korredoretik Algortara sartzeko bidea, hain zuzen. Proiektuaren helburua da oinezkoentzako gaineko pasabideak eta espaloiak ipintzea eta gune hori berriz urbanizatzea. Esleipena 200.000 euro inguruko kopuruan egin dute eta lanak egiteko epea, behin horiek hasita, zortzi astekoa izango da. Lanak 2.000 metro koadroko eremuan egingo dira. Proiektatutako biribilgunean gaur egun dauden hiru bideak elkartuko dira, Foru kalekoa eta Euskal Herria kalekoa. Proiektu honek bat egiten du Euskal Herria eta Txakursolo kaleen artean eraikiko den biribilgunearekin, zeinen lanak aste honetan bertan hasi diren. Bi bide horiek berriz antolatzearen helburua da Algortako erdigunera doan trafikoaren abiadura moteltzea eta dauden bi elkargune horiei segurtasun handiagoa ematea.

gaz-teak



Doako alea

323 Zb.
www.getxo.eus

>>2018ko apirila

Nabarmen^{tzekoak}

> “Gure Gune” abian da, Romoko Gazteleku berria

- > Azkorri Ikastetxeko talde batek irabazi du STARTInnova lehiaketa
- > Udako Auzolandegietarako izenematea apirilean zabalik

Udako Auzolandegietarako izenematea apirilean zabalik

Eusko Jaurlaritzak antolatzen dituen 2018ko udako Auzolandegietarako aurre-izena emateko epea apirilaren 19tik 25era egongo da irekita. Ohi bezala, 18 eta 30 urte bitarteko gazteek hartu ahal izango dute parte. Auzolandegi mota bakoitza adin tarte batentzat da, eta Euskadikoak 18 eta 26 urte bitartekoentzat izaten dira. Munduko edozein tokitako pertsonak hartzen dute parte nazioarteko Auzolandegietan eta horietarako ingelesa jakin behar da, eta batzuetan beste hizkuntza bat ere eskatzen da. Nazioarteko auzolandegiak atzerrian egoten dira, eta baita Euskadin eta gainontzeko Erkidegotan ere. Informazio gehiago: www.gazteukera.euskadi.eus/r58-2279/eu/



UPV/EHUK nazioarteko 20 gradu titulazio bikoitz eskaintzen ditu

Euskal Herriko Unibertsitateak nazioarteko 20 gradu titulazio bikoitz eskaintzen ditu 2018-19ko ikasturtean. Nazioarteko titulazio bikoitza bi unibertsitateen artean (bata bertakoa eta bestea atzerrikoa) adostutako prestakuntza programa batean datza. Programa hori gainditu eta kredituak aitortu ondoren, ikasleek graduko bi titulu lortuko dituzte (bat unibertsitate bakoitzean). Oro har, titulazio bakoitzeko kredituen % 25 – gutxienez – atzerriko unibertsitatean egin beharko dira. Informazio gehiago:

<https://www.ehu.eus/eu/-/upv-ehuk-nazioarteko-20-gradu-titulazio-bikoitz-eskaintzen-ditu>

Gazte Txanpon Soziala

Bizkaiko Foru Aldundiak, BBK eta Aldrebesak Gazte Txanpon Soziala jarri dute abian, gazteen kolektiboaren giza parte hartzea bultzatzeko, lurraldeko proiektu sozialetan duten konpromisoa eta parte-hartzea aitortze eta saritze aldera. Proiektuan ez da sartzen eskudirua erabiltzea, baizik eta kreditu edo puntuen sistema ezartzen da, ondasun eta zerbitzuekin trukatu ahal izango direnak. Oinarrian dauden printzipioak aniztasunaren arreta, ordezkagarritasuna eta egingarritasun edo erabilgarritasuna dira. Informazio gehiago: www.bizkaia.eus

BECA PREMIO

* **“Non ikusten duzu Europa Euskadin?” gazteentzako 7. Argazki Lehiaketa.** Eusko Jaurlaritzako Ogasuna eta Ekonomia sailak deituta, 14 eta 25 urte bitarteko gazteentzat. Helburua da gazteen artean erakustea eta zabaltzea Europar Batasunaren (EGEF funtsaren) laguntza Euskadiko garapen sozioekonomikoari. Sariak argazki kamerak eta E:book bat izango dira, lortutako postuen arabera. Parte hartzeko epea apirilaren 22an amaituko da. http://www.euskadi.eus/eusko-jaurlaritza/-/saria_lehiaketa/2018/non-ikusten-duzu-europa-euskadin-gazteentzako-7-argazki-lehiaketa/

* **BiscayApp Lehiaketa.** Bizkaiko Foru Aldundiak antolatutako lehiaketa da, teknologia berrien erabilera sustatzeko. Horretarako, enpresek zein partikularrek aplikazioak, garatuta zein proiektu fasean, aurkeztu ditzakete lehiaketara. BiscayApp-en parte hartzeko 18 urte izatea ezinbestekoa da eta aurkeztutako aplikazioak hurrengo kategoriaren baten barne egon behar du: Silver Economy, Data Intelligence, Energia eta Manufaktura aurreratua. Ideia originala izan behar da. Eskerak aurkezteko epea ekainaren 30ean amaituko da. Kategoría bakoitzeko saria 2.000€ da eta 10.000€ lehiaketaren irabazlearentzat. <http://bilbaogazte.bilbao.eus/2018/03/20/biscay-app-zure-ideiak-saritzen-dituen-lehiaketa/>

Gaztelekuaren programazioa

Apirila

Hilak 5, osteguna: MASTERCHEF: URDAIAZPIKO ETA GAZTA SANDWICHA

Hilak 7, larunbata: TXAPELKETA: PING-PONG

Hilak 12, osteguna: ESKULANA: PLASTIKOZKO MUNSTROA

Hilak 13, ostirala: MASTERCHEF: SMOOTHIE

Hilak 21, larunbata: TAILERRA: SARE-ON

Hilak 22, igandea, eta 27, ostirala: AMALURRAREN HILABETEA.

Hilak 26, osteguna: TOPAKETA: ASANBLADA

Hilak 28, larunbata: IRTEERA: FORESTAL PARK

GauEgun
gazteleku



“Gure Gune” abian da, Romoko Gazteleku berria

Romo Kultur Etxearen eraikineko beheko solairuan dagoen Romoko gazteleku berriak apirilaren 9an irekiko ditu ateak.

Horri esker, Getxoko 11 eta 17 urte bitarteko gazteek bi gazteleku izango dituzte eskura. Lehenengoa Algortako Gau Egun gaztelekuak izan zen, 2009. urteaz geroztik zabalik.

Aipatutako adinetako pertsonak zuzendutako zerbitzua da, hezitzaile profesionalak zuzendutakoa eta, aisi hezigarriari dagokionez, erreferente ireki, integratzaile eta alternatiboa izan nahi duena.

Bere garaian Algortan egin zen bezala, etorkizunean Gure Gune etorkizuneko erabiltzaileak inplikatu nahi izan dira zerbitzuaren

zenbait alderdi zehazteko. Horretarako, kaleez, ikastetxez eta sare sozialez baliatuz, zabalkunde-lan handia egin eta talde bat osatu da auzoko gazteekin. Otsailaren 24tik (larunbata) zerbitzua abian jarri arte batu izan dira gazteak espazioan hainbat gai zehazteko, hala nola, lehenengo hilabetetako programazioa, eskuragarri egongo diren mahai-jokoak, bideokontsolak, espazioaren estetika eta, noski, zerbitzuaren izena bera.

Diseinu-prozesua amaitzen ari da eta orain hartutako erabakiak praktikan jartzeko unea heldu da; horrek hauexek hartzen ditu barne: zerbitzuaren irudi korporatiboa egitea (aukeratutako izena oinarri

hartuta), hautatutako materialak erostea eta espazioa margotu nahiz dekoratzeko lanak; azken horietan, hain zuzen ere, erabiltzaile gazteek hartuko dute parte. Elementu horiez guztiez gain, honako hauek daude gaztelekuaren: sukaldea, ordenagailuak, ping-pong mahaia eta filmak, bideoak eta abar proiektatzeko pantaila.

Romoko gaztelekuak egunero irekiko da, astelehenetan izan ezik. Astearte, asteazken, ostegun eta igandeetako ordutegia 17:00etatik 20:00etara izango da; ostiral eta larunbatetan, berriz, 17:00etatik 22:00etara. Zerbitzua abuztuan itxiko da. Urteko gainerako zatian, sarrera libre eta doakoa izango da.



Azkorri Ikastetxeko talde batek irabazi du STARTInnova lehiaketa

Azkorri Ikastetxeko Azkorri-Innova 2 izeneko taldeak STAR-TInnova eskolako ekintzaileentzako lehiaketaren bosgarren edizioa irabazi berri du, 18 urtetik beherakoentzat den atalean. Talde irabazlearen partaideak María Pisos, Unai Gantxegi, Tomas Zarraonandia eta Borja Reig izan dira, Ruben Elortegui, zentroko Ekonomia irakasleak koordinatuta. Proiektuaren izena *AddictiOFF* izan da, eskuko telefonoaren erabilera txarraz gazteak kontzientziatuko lukeen eta astirako jarduerak eskainiko lituzkeen enpresa sortzeko proposamena. El Correo egunkariak sustatutako lehiaketak

entitate ugari laguntza du, horien artean Gexoko Udalarena eta helburua da Batxilergoko eta Lanbide Heziketako ikasle ekintzaileen ekimenak eta jarrerak sustatzea. Azkorri Ikastetxearen proiektua aurtengo edizioaren bost finalistetako bat izan da. Bizkaia eta Arabako 34 heziketa zentrotako 793 ikaslek hartu dute parte, guztira 160 proiektuekin. Epai-mahaiak aurkeztutako proiektuen maila altua nabarmendu du, eta konkretuki partaide getxotarren ikuspuntua, jardueraren aldeko jarrera, aurreikusteko eta sinergiarako ahalmena, eta motibazioa.